

14.08.2025

UKA2025/167

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Nukissiorfiit, Asiaq Misissueqqaarnerit, allallu immikkoortorta qarfiit Namminersorlutik Oqartussat ataanniittut, Grønlands Erhverv-imit ilaasortaajunnaartinneqarnissaannut Naalakkersuisut peqquneqarnissaannik Inatsisartut aalajangiiffigisassaattut siunnersuut.
(Inatsisartunut ilaasortaq Pele Broberg, Naleraq)

Tunngavilersuut:

Immikkoortorta qarfiit Naalakkersuisut ataanniittut namminersorlutik inuussutissarsiortut soqutigisaqatigiit kattuffianni “Grønlands Erhverv”-imi akiliisarlutik ilaasortaapput.

Tamanna Naleraq tunuliaqutaralugu Inatsisartunut ilaasortat § 37 apeqqusiaannut¹ Naalakkersuisut akissuteqaatiminni nassuerutigaa.

Uagut Naleqqamiit tupigusuutigingaatsiarparput ataatsimoorussamik pisortaqarfitsigut immikkoortorta qarfiit toqqaannaq Naalakkersuisut ataaniillutik akisussaaffigineqartut, namminersorlutik inuussutissarsiortut soqutigisaqatigiit kattuffianni “Grønlands Erhverv”-imi akiliisarlutik ilaasortaasut.

Aalajangiiffissatut siunnersuutip siunertaraa Naalakkersuisut, taakkualu ataanniittut immikkoortorta qarfiit assigisaallu, “Nukissiorfiit” aamma “Asiaq Misissueqqaarnerit” ilanngullugit, “Grønlands Erhverv”-imit ilaasortaajunnaassasut.

Takinerunngilaq.

Pisortaqarfiit inuiaqatigiinni oqartussaasutsinniit, tassa massakkut politikkikkut pissaaneqartuniit, politikkikkut isumaqatigiisartagaannut ilaasortaatinneqaannartalissappata ajuissortoqarpoq.

Pisortanut aningaasatigut allaffissornikkullu kingunerisassat

Pisortaqarfiit minnerpaamik ukiumut kr. 20.000 sipaarneqassapput, ukiut tallimani kr. 100.000.²

¹ § 37 apeqqutinut akissuteqaatit nr. 2025-97, nr. 2025-98

² Besvarelse af § 37 spørgsmål. nr. 2025-97, nr. 2025-98

Namminersorluni inuussutissarsiuteqarnermut aningaasatigut allaffissornikkullu kingunerisassat

Namminersorluni inuussutissarsiuteqarnermut soqutigisaqaqatigiittut kattuffii Naalakkersuisut immikkoortorta qarfiisa ilaasortaajunnaarneranni annikinnerusumik isertitaqartussanngussapput, ukiumut minnerpaamik kr. 20.000.

Innuttaasunut aningaasatigut allaffissornikkullu kingunerisassat

Toqqaannartumik kingunerisassaanik soqanngilaq.